

Լոռի Բերդի համայնքապետարան (ՀՎՀՀ՝ 06954163, հասցե՝ ՀՀ, Լոռու մարզ, գ. Լոռի Բերդ, Աշոտ Երկաթի 1- ին նրբ.2.2), ի դեմս Լոռի Բերդ Համայնքի ղեկավար Ա. Ներսիսյանի, (այսուհետ՝ Պատվիրատու), մի կողմից

և

«Ֆորտունա» ՍՊԸ (ՀՎՀՀ՝ 06404545, հասցե՝ ՀՀ, ք. Վանաձոր, Աղայան փող., 81/2-1 շենք), ի դեմս տնօրեն Կարեն Արշակյանի, որը գործում է «Ֆորտունա» ՍՊԸ կանոնադրության հիման վրա (այսուհետ՝ Կատարող), մյուս կողմից (հետագա շարադրանքում Պատվիրատուին և Կատարողին միասին անվանելով «Կողմեր») կնքեցին սույն պայմանագիրը հետևյալի մասին.

1. ՄԱՆՄԱՆՈՒՄՆԵՐ ԵՎ ՄԵԿՆԱԲԱՆՈՒԹՅՈՒՆՆԵՐ

1.1. Սույն պայմանագրում.

- (ա) բացատրությամբ այն դեպքերի, երբ այլ բան է բխում կոնկրետ դրույթի ենթատեքստից, եզակիով օգտագործված բառերը ներառում են նաև հոգնակին և հակառակը,
- (բ) հղումն այլ պայմանագրի կներառի այդ պայմանագիրը՝ բոլոր փոփոխություններով և լրացումներով,
- (գ) վերնագրերը ներառված են միայն հղումների մատչելիության համար և չեն կարող ազդել սույն պայմանագրի դրույթների մեկնաբանության վրա:

1.2. Սույն պայմանագրում օգտագործված հետևյալ հասկացություններն ունեն հետևյալ նշանակությունը.

«Ծառայություններ»	սույն պայմանագրի 2-րդ կետով նախատեսված ծառայությունները,
«Սակագներ»	Ծառայությունների դիմաց վճարվող սույն պայմանագրի 3-րդ կետով նախատեսված ծառայությունների արժեքը,
«Ծախսեր»	Կատարողի կողմից Ծառայություններ մատուցելու կապակցությամբ կատարվող ծախսեր,
«Անձ»	իրավաբանական և/կամ ֆիզիկական անձ:

2. ԾԱՌԱՅՈՒԹՅՈՒՆՆԵՐ

- 2.1. Սույն պայմանագրով Կատարողը պարտավորվում է Պատվիրատուին մատուցել ծառայություններ (Ծառայություններ) սույն պայմանագրով սահմանված պայմաններով և կարգով, իսկ Պատվիրատուն պարտավորվում է ընդունել Ծառայությունները և վճարել դրանց դիմաց: Ծառայությունների նկարագիրը և մատուցման ժամանակացույցը ներկայացված են սույն պայմանագրի անբաժանելի մասը կազմող Հավելված 1-ում:
- 2.2. Պատվիրատուն պարտավոր է մատուցվող Ծառայությունների համար վճարել Կատարողին սույն պայմանագրի 3-րդ կետի համաձայն:
- 2.3. Ծառայություններ մատուցելիս Կատարողը պարտավոր է հետևել Պատվիրատուի ցուցումներին և պահանջներին:
- 2.4. Կատարողը պարտավոր է ժամանակին տեղեկացնել Պատվիրատուին Ծառայությունների մատուցմանը խոչընդոտող որևէ հանգամանքի առկայության մասին:
- 2.5. Պատվիրատուն պարտավոր է Կատարողին ժամանակին տրամադրել Ծառայությունների մատուցման համար անհրաժեշտ և պահանջվող տեղեկատվությունը:

3. ՍԱԿԱԳՆԵՐ, ՎՃԱՐՈՒՄՆԵՐ ԵՎ ՀԱՇՎԱՐԿՆԵՐ

- 3.1. Կատարողի կողմից մատուցվող ծառայությունների սակագինը կազմում է՝ 60000 (վաթսուն հազար) ՀՀ դրամ ներառյալ բոլոր հարկերը
- 3.2. Պատվիրատուի կողմից Ծառայությունների դիմաց վճարումը կատարվում է հետևյալ կարգով՝ դուրս գրված հարկային հաշվարկային փաստաթուղթը (հարկային հաշիվ կամ հաշիվ-վավերագիր) Պատվիրատուին ներկայացնելուց հետո 5 (հինգ) աշխատանքային օրվա ընթացքում:
- 3.3. Վճարումը կատարվում է փոխանցման միջոցով՝ Կատարողի բանկային հաշվին, որի վավերապայմանները նշվում են սույն պայմանագրում:
- 3.4. Կատարողի օգտին Ծառայությունների դիմաց վարձատրությունն ու ցանկացած այլ վճարումները կատարվում են ՀՀ դրամով:
- 3.5. Պատվիրատուի կողմից ծառայությունները համարվում են ընդունված համապատասխան հաշվի ստորագրման պահից:

4. ՊԱՏԱՍԽԱՆԱՏՎՈՒԹՅՈՒՆ

- 4.1. Կողմերը պատասխանատվություն են կրում Հայաստանի Հանրապետության օրենսդրությանը համապատասխան:
- 4.2. Կատարողը պարտավոր է հատուցել սույն պայմանագրով իր պարտականությունների դիտավորյալ խախտմամբ Ծառայությունների ոչ պատշաճ մատուցման արդյունքում Պատվիրատուին պատճառված իրական վնասը:

5. ԳՈՐԾՈՂՈՒԹՅՈՒՆԸ ԵՎ ԴԱԴԱՐԵՑՈՒՄԸ

- 5.1. Սույն պայմանագիրն ուժի մեջ է մտնում Կողմերի ստորագրման պահից և դադարում է Կողմերի կողմից սույն պայմանագրով իրենց պարտավորությունների պատշաճ կատարմամբ:
- 5.2. Սույն պայմանագրի ավարտը **2025թ.-ի օգոստոսի 31-ն է:**
- 5.3. Եթե այլ բան նախատեսված չէ սույն պայմանագրով, սույն պայմանագիրը կարող է լուծվել ցանկացած ժամանակ՝ կողմերի համաձայնությամբ:
- 5.4. Կողմերից յուրաքանչյուրն իրավունք ունի անհապաղ լուծելու սույն պայմանագիրը՝ մյուս կողմին գրավոր ծանուցում ուղարկելու միջոցով՝
- (ա) եթե մյուս Կողմը թույլ է տվել սույն պայմանագրի էական պայմանների խախտում և չի ուղղում այդ խախտումը՝ այդպիսի խախտման առկայության և այդ խախտումը ուղղելու պահանջի (եթե այն հնարավոր է ուղղել) մասին գրավոր ծանուցում ստանալուց հինգ օրացուցային օրվա ընթացքում,
- (բ) եթե Կատարողը դադարեցնում է իր գործունեությունը,
- (գ) Հայաստանի Հանրապետության օրենսդրությամբ նախատեսված այլ դեպքերում:
- 5.5. Ցանկացած հիմքով սույն պայմանագրի դադարման դեպքում, Պատվիրատուն Կատարողին կվճարի՝ մինչև սույն պայմանագրի դադարեցումը մատուցված Ծառայությունների համար:

6. ԾԱՆՈՒՑՈՒՄՆԵՐ

- 6.1. Սույն պայմանագրին համապատասխան ներկայացված ցանկացած ծանուցում պետք է կազմված լինի գրավոր ձևով և ստորագրված՝ ուղարկող Կողմի անունից գործելու համար լիազորված անձի կողմից: Այդպիսի ծանուցումը կարող է հանձնվել անձամբ, ուղարկվել փոստով՝ պատվիրված նամակով կամ փոխանցվել էլեկտրոնային կապով՝ սույն պայմանագրի ստորագրության տողից առաջ նշված հասցեներով կամ համարներով:

7. ԿԻՐԱՌԵԼԻ ԻՐԱՎՈՒՆՔ ԵՎ ՎԵՃԵՐԻ ԼՈՒԾՈՒՄ

- 7.1. Սույն պայմանագրի նկատմամբ, ներառյալ՝ Կողմերի իրավունքների և պարտականությունների բովանդակության, մեկնաբանման, կատարման, չկատարելու կամ անպատշաճ կատարելու հետևանքների, դադարման, առջինն ճանաչվելու և դրա հետևանքների, պայմանագրից ծագող պահանջի զիջման և պարտքի փոխանցման և այլ պարտականությունների առնչությամբ կիրառվում են Հայաստանի Հանրապետության օրենքները:

7.2. Սույն պայմանագրից կամ դրա կապակցությամբ ծագող բոլոր վեճերը, տարաձայնությունները և պահանջները, ներառյալ՝ դրա կատարմանը, խախտմանը, դադարեցմանը կամ անվավերությանը վերաբերող, ենթակա են կարգավորման՝ Կողմերի միջև բանակցությունների և խորհրդակցությունների ճանապարհով, իսկ դրանցում հաջողության չհասնելու դեպքում՝ Հայաստանի Հանրապետության օրենսդրությանը համապատասխան՝ Հայաստանի Հանրապետության իրավասու դատական ատյաններում:

8. ԱՅԼ ՊԱՅՄԱՆՆԵՐ

- 8.1. Սույն պայմանագրի ցանկացած փոփոխություն կամ լրացում վավերական է, եթե կատարված է գրավոր ձևով և ստորագրված է Կողմերի կողմից:
- 8.2. Սույն պայմանագիրը կազմված է 2 (երկու) հավասար իրավաբանական ուժ ունեցող օրինակներից, որոնցից մեկը հանձնվում է Կատարողին, իսկ մյուսը՝ Պատվիրատուին:

Ի ՀԱՎԱՍՏՈՒՄՆ ՎԵՐՈՐԾԱԼԻ ԿՈՂՄԵՐԸ ՍՏՈՐԱԳՐՈՒՄ ԵՆ ՍՈՒՑՆ ՊԱՅՄԱՆԱԳԻՐԸ

ՊԱՏՎԻՐԱՏՈՒ

Լոռի Բերդի համայնքապետարան
ՀՀ, Լոռու մարզ, գ. Լոռի Բերդ, Աշոտ Երկաթի
1-ին նրբ.2.2
ՀՀ ՖՆ Գործառնական վարչություն
h/h 900252114294
ՀՎՀՀ՝ 06954163

Լոռի Բերդի համայնքի ղեկավար
Ս. Սերսիսյան
կ.տ.



ԿԱՏԱՐՈՂ

«Ֆորտունա» ՍՊԸ
ՀՀ, ք. Վանաձոր, Աղայան փողոց,
81/2-1 շենք
Արշինբանկ ՓԲԸ
h/h 2471400057750000
ՀՎՀՀ՝ 06404545



Գ. Արշակյան

Հավելված 1
Լոռի Բերդի համայնքապետարան -ի և «Ֆորտունա» ՍՊԸ-ի միջև 07.03.2025թ.-ին կնքված
ծառայությունների մատուցման պայմանագրի

Ծառայությունների նկարագիր

Ծառայություն 1 . Տեսանյութի նկարահանում և հեռարձակում

- I. Հեռարձակումը մարզային սփյուռման եթերում՝ ժամը 08:00-24:00-ի միջակայքում,
- II. Տեսանյութը հեռարձակվելու է 3 անգամ :

ՊԱՏՎԻՐԱՏՈՒ


Լոռի Բերդի համայնքապետարան
ՀՀ, Լոռու մարզ, գ. Լոռի Բերդ, Աշոտ Երկաթի
1-ին նրբ.2.2
ՀՀ ՖՆ Գործառնական վարչություն
h/h 900252114294
ՀՎՀՀ՝ 06954163



Լոռի Բերդի համայնքի ղեկավար
Ա. Ներսիսյան
կ.տ.

ԿԱՏԱՐՈՂ

«Ֆորտունա» ՍՊԸ
ՀՀ, ք. Վանաձոր, Աղայան փողոց,
81/2-1 շենք
Արշինբանկ ՓԲԸ
h/h 2471400057750000
ՀՎՀՀ՝ 06404545



Կ. Արշակյան